

五
經
義
策
論
初
編

四
書
五
經
義
策
論
初
編

天行健君子以自强不息

王慶洛

先民有言曰強爲中氣得強則生失強則死微乎微也嗚呼人不自強其足與
謀家國事刑曠觀三代之君後世之主其能自強者罔不興否則罔不亡興亡
之故大矣哉而於自強與否決之其應甚捷其理無或爽也今之談自強者曰
監列代之成敗則宜取法於古爭列辟之雄長則宜取法於人而不知君子之
自強何止取法於古何屑取法於人直法天而已易曰天行健君子以自強不
息游氏廣平謂至誠無息天行健也未能無息而不息者君子之自強也虞氏
翻以君子爲三姚氏配中注言君子通於賢趙氏岐注君子通於聖人公羊傳
曰以者行其意也焦氏循云以用也言君子用之以法天也夫強則蔑不健健
則蔑不強有在天之強於穆不已天之所以爲天也有在人之強純亦不已聖
之所以同天也文王得罪於紂囚羑里以演易天王聖明臣罪當誅固非妄言

自○強○希○冀○非○分○然○盡○人○以○回○天○夫○亦○作○常○訓○之○意○也○而○况○崇○虎○譜○於○前○土○地○且○
不○保○也○敢○勿○自○強○費○仲○沮○於○後○刀○斧○且○立○至○也○敢○勿○自○強○懼○爲○梅○伯○九○鄂○之○續○
涕○泣○誠○罔○濟○也○敢○勿○自○強○痛○夫○雷○開○師○涓○之○橫○削○除○非○易○事○也○敢○勿○自○強○惟○強○
故○健○惟○健○故○不○息○日○月○怙○冒○照○臨○西○土○文○王○一○天○而○已○一○天○行○健○而○已○天○行○之○
健○無○須○臾○之○息○君○子○之○強○有○須○臾○之○息○哉○且○人○之○一○身○不○強○卽○弱○無○中○立○也○國○
亦○如○之○此○膠○彼○漆○漸○成○錮○疾○皆○足○以○痿○我○也○一○吠○百○譁○亂○投○藥○石○適○足○以○病○我○
也○既○痿○且○病○病○且○殆○矣○殆○且○死○矣○以○是○言○強○欺○人○乎○哉○自○欺○已○耳○是○故○君○子○之○
自○強○必○以○法○天○爲○上○陰○陽○寒○暑○天○之○所○以○養○萬○物○也○君○子○法○之○自○強○於○內○雷○霆○
霜○雪○天○之○所○以○威○萬○物○也○君○子○法○之○自○強○於○外○天○行○之○健○有○大○結○力○君○子○自○強○
上○下○一○心○堅○苦○同○志○夫○亦○有○天○之○結○力○也○天○行○不○息○有○大○化○機○君○子○自○強○普○通○
民○智○披○鑿○闔○塞○夫○亦○有○天○之○化○機○也○自○強○如○此○夫○何○有○臆○胸○畏○蕙○受○人○欺○侮○忍○

人挾制貽人非笑而終於不自振作哉今之人有恃血氣之強以爲強者外竊忠義之名內懷盜賊之智匹夫肇禍宗社貽憂是亦妄人已矣有借他人之強以爲強者妄冀指臂之助顯爲虎狼之親無與卵翼先遭吞噬是亦愚人已矣胥天下皆愚且妄之人而尙欲其自強者有是理邪今之君子果有法天而自強者是亦今之文王也

顧定自強二字發揮透切末後蒿目時事慨乎言之畢竟是有心人吐屬非橫肆議論也 韓琴言

自強不息是西伯奄有天下張本滑口讀過殊可惜也篇中挾發無遺雷霆精銳其暗諷時事處尤覺杞憂縻恤心重語長較之侈言天道拋卻實義者真有上下床之別 受業許之霖謹註

卷之四

...

...

...

...

...

...

...

...

...

聖人作而萬物覩

韓紹湘

上古之世○渾渾然噩噩然○睢然于然○非有禮樂○孰發其英○非有文字○孰牖其靈○譬彼漆室○坏之局之○無一隙之光也○譬彼夜行○顛之朴之○無徑寸之燭也○生斯世者○豐耳蔽目○塞聰紕明○有智不開○有竅不鑿○雖曰古風良可鄙矣○迨乎運會漸啓○菁華漸闢○作之君○作之師○蒙者破之○陋者文之○闕者通之○翳者括之○向者之民○盲以晦○如披重霧也○後日之民○文明如遊光天也○嗚呼○此誰之功哉○易曰○聖人作而萬物覩○焦氏章句○作始也○覩見也○萬物覩○猶云萬物相見也○惠氏棟○周易述○註○聖人謂庖犧○庖犧作八卦○能使萬物覩○夫萬物之睹○必由於聖人之作○聖人之爲功○於天下○何如○人爲萬物靈○其睹也○先於物○賢人聖主相見○恨晚者○無論也就日○瞻雲望風○拜手中國之人○罔勿睹矣○梯山航海○重譯來朝○夷狄之人○罔勿睹矣○由是而推之○龜馬在河○麟鳳在郊○蓂莢在階○神芝在庭○

景星卿雲在於霄嘉禾醴泉在於地統地之所覆天之所載若有知若無知一切禽獸草木之衆罔不乘時一見含和吐氣爲聖人光此非所謂萬物覩哉萬物皆蟄聖人之作也如春霆故莫不震也萬物皆晦聖人之作也如平旦故莫不起也開闢以前無萬物其胚胎自天地蘊之開闢以後有萬物其橐籥自聖人啓之聖人與天地同功非有聖人天地之生物亦勿貴

發揮作字睹字具有妙義可謂沈雄透闢力掃庸庸矣入後大言炎炎亦如

春霆驚人萬物俱震 王效棠

履霜堅冰至

韓紹湘

禍○福○之○來○必○有○先○機○災○祥○之○兆○必○由○積○漸○人○事○使○然○天○事○使○然○所○謂○有○難○追○之○
勢○無○倖○脫○之○理○也○知○微○之○士○厯○天○變○盡○人○力○勵○歲○寒○之○操○則○兢兢○然○讀○正○月○
詩○則○悄悄○然○持○盈○保○泰○若○重○有○憂○者○豈○得○已○哉○夫○亦○動○於○先○機○防○其○積○漸○而○已○
坤○之○初○六○履○霜○堅○冰○至○註○曰○始○於○履○霜○至○於○堅○冰○所○謂○至○柔○而○動○也○疏○謂○初○六○
陰○氣○之○微○似○若○初○寒○之○始○但○履○漸○其○霜○微○而○積○漸○故○堅○冰○乃○至○意○謂○羣○陰○初○雖○
柔○順○其○機○一○動○乃○至○堅○剛○凡○國○家○之○顛○覆○禍○患○之○隱○伏○氣○機○之○感○召○世○運○之○平○
陂○罔○勿○如○是○正○非○或○然○或○不○然○之○數○也○吾○觀○有○道○之○時○景○星○卿○雲○熙○然○如○登○春○
臺○蚩○蚩○者○氓○含○和○吐○氣○若○可○終○身○焉○迨○至○陰○雨○積○晦○氣○象○一○變○誦○北○風○其○涼○之○
句○謂○之○愾○然○猶○未○爲○甚○也○若○夫○積○之○既○久○肅○殺○之○象○見○於○上○寒○沍○之○氣○結○於○
下○生○機○頓○息○萬○物○萎○落○晦○盲○不○塞○之○日○視○向○所○謂○含○和○吐○氣○者○若○異○世○焉○嗚○呼○

慘哉然動於先機而無可挽回者則係於天事防其積漸而急思補救者則賴於人事烈風雷雨赫然驟然天之所以警聖賢也臨深履薄悚然戰然聖賢之所以承天也天變未至則以恐懼之心處之天變既至則以鎮定之力持之天變既至而復弭則仍以懲前警後之慮保之周公之詩曰迨天之未陰雨孔子稱之楚莊王以禍至無日訓其國人皆深知履霜堅冰之義也能知其義則王道正直無不可作履霜觀聖德陽夏無不可作堅冰觀聖君賢相憂盛危明職是故也否則以嬉以偷喁喁自樂災害並至置若罔聞固甚一日又孰從而補救哉竊願爲天下後世正告曰凡事慎先機防積漸

慎先機防積漸確爲是題要義中間危言悚諭大聲疾呼足以振聵發聵令

人深省 王效棠

即鹿无虞

韓紹湘

古○來○用○師○之○道○惟○取○至○正○蓋○兵○凶○戰○危○必○度○德○量○力○慮○勝○而○動○斯○所○向○皆○捷○所○
去○皆○獲○其○或○不○正○興○師○鮮○有○不○自○取○困○辱○者○易○屯○之○六○三○曰○即○鹿○无○虞○即○就○也○
此○論○語○教○民○即○戎○之○意○虞○度○也○此○萃○象○除○戎○器○戒○不○虞○之○意○鹿○則○假○物○爲○喻○今○
六○三○欲○往○從○五○如○就○鹿○然○也○據○卦○爻○五○自○應○二○今○不○揆○彼○五○之○情○納○已○與○否○是○
无○虞○也○猶○行○師○者○不○知○彼○虛○實○也○王○注○云○不○揆○其○志○五○應○在○二○往○必○不○納○何○異○
无○虞○以○從○禽○雖○見○禽○而○无○其○虞○徒○入○于○林○中○而○已○孔○疏○云○虞○謂○虞○官○如○人○之○田○
獵○欲○從○就○于○鹿○當○有○虞○官○助○已○商○度○形○勢○可○否○乃○始○得○鹿○若○无○虞○官○即○虛○入○于○
林○木○之○中○信○是○虞○既○稱○官○又○訓○度○恐○無○是○理○竊○謂○屯○之○爲○卦○上○坎○下○震○震○有○動○
義○坎○有○險○義○六○三○柔○居○剛○位○不○中○不○正○動○而○遇○險○不○足○以○自○濟○是○妄○行○取○困○也○
夫○田○獵○一○行○師○之○象○師○六○五○曰○田○有○禽○處○師○之○時○柔○得○尊○位○陰○不○先○唱○柔○不○犯○

物犯而後應往必得直故曰田有禽也豫順以動則利行師說以犯難則民忘死此有虞者也屯難之時三志在輔五故曰即而上不同志雖正既濟而不處尊位無權以統馭之知人心不相應不可求遠用師故曰无虞陰柔在下進居陽位陰不安于陰即貪求妄行也又上無正應終致羞吝而已兵法云知己知彼百戰百勝苟不度人之虛實與其強弱若何而輕易出師其不取敗也幾希故君子舍之

蒙以養正聖功也

來福詒

今天下有一人焉參天地贊化育通經權達常變僉曰聖人有一詣焉懷仁義抱道德事修齊務格致僉曰聖人之功聖功何由致則以爲幼而徇齊生而穎悟從容中道有無所須於學力者嗟乎彼亦知作聖之基固自養正始乎養正之初固自童蒙來乎無已請與讀易之彖傳彖之言曰蒙以養正聖功也孔疏能以蒙昧隱默自養正道乃成至聖之功其釋利貞固已至云蒙昧隱默經旨猶未詳且盡試爲引而申之蒙之爲道也猶木之苞於萌也水之涵於源也璞之蘊於石也栽培得其力疏濬得其術磨礱得其具由是而成大器引淵泉稱至寶不難也否則拳曲耳臃腫耳泛濫耳橫決耳汙玷雜出而瑕適互見耳人病其不適於正聖人則病其不得所養苟得其養蓬雜於麻不扶而自直也泉逢其原不節而自長也玉生於岡不琢而自光也物固如此人亦宜然夫人果

何○自○而○發○蒙○乎○將○倚○曲○學○爲○捷○徑○乎○將○任○偏○見○爲○心○得○乎○將○索○隱○行○怪○以○求○傳○
述○乎○將○叩○虛○課○寂○以○期○冥○悟○乎○夫○曲○也○偏○也○隱○怪○也○虛○寂○也○皆○不○得○其○正○者○也○
不○得○其○正○蒙○者○將○終○於○蒙○抑○詎○止○終○於○蒙○而○已○必○且○鑿○其○智○亂○其○識○搖○蕩○其○情○
性○迷○惑○其○趨○嚮○充○其○功○之○所○極○雖○欲○爲○鄉○黨○自○好○之○士○且○不○可○得○遑○云○希○賢○遑○
云○希○聖○雖○然○莫○謂○聖○功○不○可○希○也○聖○不○可○希○則○是○天○之○生○人○才○無○不○偏○也○質○無○
不○駁○也○識○無○不○昏○也○知○無○不○昧○也○夫○果○其○偏○駁○昏○昧○無○惑○乎○其○罔○念○作○狂○而○不○
能○克○念○作○聖○也○若○才○質○不○盡○偏○駁○知○識○不○盡○昏○昧○則○發○萌○坼○甲○猶○木○之○欣○欣○向○
榮○也○懷○清○履○潔○猶○水○之○混○混○逢○源○也○含○精○抱○粹○猶○玉○之○溫○溫○露○華○也○栽○培○之○疏○
濬○之○磨○礱○之○未○有○不○蒸○然○日○上○而○卓○然○自○立○者○蓋○至○於○擇○善○固○執○斯○不○思○而○得○
不○勉○而○中○之○詣○相○越○不○遠○相○幾○不○難○也○彼○震○驚○乎○參○天○地○贊○化○育○通○經○權○達○常○
變○駭○詫○夫○懷○仁○義○抱○道○德○事○脩○齊○務○格○致○以○爲○高○矣○美○矣○不○可○企○及○遂○并○此○童○

○蒙○之○渾○然○者○不○復○教○之○以○正○而○濟○之○以○養○則○利○貞○之○說○之○謂○何○胡○弗○取○易○象○而○
○詳○玩○之○哉○

比○喻○精○切○疏○證○明○通○用○筆○擱○折○造○句○簡○峭○不○沾○沾○於○卦○爻○象○占○之○說○而○望○去○
渾○然○粹○然○確○能○闡○發○易○理○者○善○易○者○不○言○易○吾○於○此○義○益○信○ 王效棠

崇○論○宏○議○切○理○鑒○心 韓琴言

謙尊而光卑而不可踰

韓子庚

卑○上○降○下○茂○進○之○遂○路○江○海○能○爲○百○谷○王○者○以○其○處○下○也○是○故○稱○孤○稱○寡○人○之○
所○惡○而○王○者○自○居○以○降○其○貴○執○射○執○御○衆○之○所○賤○而○君○子○自○目○以○降○其○賢○者○也○
易○惟○謙○六○爻○皆○吉○以○崇○高○之○德○而○處○卑○下○其○象○爲○地○中○山○地○體○卑○山○高○大○而○居○
下○故○曰○謙○孔○子○作○彖○傳○曰○謙○尊○而○光○卑○而○不○可○踰○言○謙○道○之○貴○也○朱○子○本○義○人○
能○謙○其○居○尊○者○其○德○愈○光○其○居○卑○者○人○亦○不○能○過○程○傳○謙○爲○卑○巽○也○而○其○道○尊○
大○而○光○顯○自○處○雖○卑○屈○而○其○德○實○高○不○可○加○尙○是○不○可○踰○案○朱○以○尊○對○卑○言○程○
以○謙○對○卑○言○但○謙○爲○卦○主○尊○與○卑○對○是○也○其○意○蓋○謂○尊○而○行○謙○則○其○道○自○光○卑○
而○行○謙○則○其○德○莫○踰○也○劉○氏○牧○曰○降○卑○接○下○名○譽○益○隆○故○其○道○光○顯○辭○貌○卑○遜○
而○志○行○剛○正○故○雖○卑○退○不○可○踰○蓋○謙○之○爲○道○尊○者○行○之○有○尊○者○之○益○卑○者○行○之○
有○卑○者○之○益○書○曰○謙○受○益○卽○此○意○也○海○以○卑○廣○居○深○山○以○鎮○靜○久○豈○不○思○木○

